

hoc in loco, uxorio jure creverunt. Illi enim limitanei erant in hoc agro Domini, & desque eorum *Black-mere*, à nigro lacu dictæ plusquam semiruta in proximo visuntur. Ad quos plurimum tum honoris, tum opum accessit ex nuptiis cum filia & altera hærede Ioannis Giffard de *Brimsfeild*, qui antiquæ nobilitatis in agro *Glocestrensi* fuit, & Matildem unicam filiam Walteri *Clifford* tertii sibi in uxorem acceperat.

*Ellesmer.*  
1205.

Magis ad Occasum *Ellesmer* regiuncula jacet opima & fertilis, quam, ut Chronologia Cestrensis habet, Ioannes Rex Angliae una cum castello Lewelino North-walliae Principi in dotem constituit, quum illi filiam suam notham in matrimonium collocasset. Postea ad familiam Extraneorum five *Le-Strange* devenit. Nunc autem Baronem suum habet Thomam *Egerton*, quem virum egregie prudentem, & integre æquum R. Eliz. Magni Sigilli Custodem sibi delegit, & Rex Iacobus Cancellarium constituendo ad summum togatae dignitatis fastigium evexit, simulque titulo, & honore Baronis de *Ellesmer* exornavit.

*Baro de  
Ellesmer.*

Comites  
Salopiæ.  
H. Hun-  
tind. in  
libello de  
vite mi-  
serioris.

Nunc compendio de Salopiæ Comitibus, Rogerus de *Belsmo*, five *Montgomery*, primum Salopiæ Comitem instituit Guilielmus Primus, cui & longe maximam hujus regni partem assignavit. Huic successit primum Hugo filius natu maximus sine prole in Wallia occisus, deinde Robertus è filiis alter, vir efferata immanitate in suos

ipius filios, & obsides, quibus suis manibus & oculos eruit, & testiculos execuit; sed tandem læsæ majestatis reus in carcerem perpetuum ab Henrico Primo conditus, poenas nefariis sceleribus dignas persolvit, & ejus Comitatus in Adeliziæ regina dotem transcriptus. Post multa tandem secula Henricus VI, anno regni sui vicefimo, Ioannem Dominum *Talbott*, quem ad bellicam virtutem & natura peperisse, & voluntas exercuisse videatur, hoc honore amplificavit. Annoque regni sui vicefimo quarto eundem quem *Salopie* & *VVeisfordie* Comitem vocat, etiam titulo Comitis Waterfordie, Baronia de *Dongaruan*, & *Senechalfia* Hibernia adauxit. Cum autem ille in prælio ad Castilionem in Aquitania cecidisset una cum Ioanne filio minore Vicecomite *L'isle*, postquam quator & viginti annos magnam Galliæ partem viætricibus armis peragrasset, Ioannes filius ex filia & una hæredum Thomæ *Nevill* Domini *Furnivall* natus successit, qui Lancastrensis familia signa sequutus, in prælio ad *Northanton* occubuit. Ab hoc prognatus est Ioannes tertius *Salopie* Comes, & Gilbertus, à quo *Talbotti* de *Grafton* sunt oriundi. Ioanni tertio successit Georgius, Georgio autem Franciscus ejus itidem filius, qui pater erat Georgii *Talbotti* Comitis Salopiæ, viri honoratissimi, & in magnis Reipublicæ negotiis spectatissimi: cuius filius Gilbertus locum à majoribus traditum summo splendore, & summa virtute hodie tuetur.

*Sunt in hac Regione parœcia plus minus 170.*

